



2025/386

25.2.2025

RIALACHÁN CUR CHUN FEIDHME (AE) 2025/386 ÓN gCOMHAIRLE

an 24 Feabhra 2025

Iena gcuirtear chun feidhme Airteagal 8a de Rialachán (CE) Uimh. 765/2006 a bhaineann le bearta sriantacha i bhfianaise na staide sa Bhealarúis agus rannpháirtíocht na Bealarúise san fhogha arna thabhairt ag an Rúis faoin Úcráin

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 765/2006 ón gComhairle an 18 Bealtaine 2006 a bhaineann le bearta sriantacha i bhfianaise na staide sa Bhealarúis agus rannpháirtíocht na Bealarúise san fhogha arna thabhairt ag an Rúis faoin Úcráin ⁽¹⁾, agus go háirithe Airteagal 8a de,

Ag féachaint don togra ó Ardionadaí an Aontais do Ghnóthaí Eachtracha agus don Bheartas Slándála,

De bharr an mhéid seo a leanas:

- (1) An 18 Bealtaine 2006, ghlac an Chomhairle Rialachán (CE) Uimh. 765/2006.
- (2) Ar bhonn athbhreithniú ar Chinneadh 2012/642/CBES ⁽²⁾ ón gComhairle, tá cinneadh déanta ag an gComhairle gur cheart na bearta sriantacha a leagtar amach sa Chinneadh sin a athnuachan go dtí an 28 Feabhra 2026.
- (3) Ba cheart leasú a dhéanamh ar na ráitis ar chúiseanna maidir le deichniúr ar daoine nádúrtha iad agus beirt ar daoine dlítheanacha iad a áirítear i liosta na ndaoine nádúrtha agus dlítheanacha, na n-eintiteas agus na gcomhlachtaí atá faoi réir bearta sriantacha a leagtar amach in Iarscríbhinn I a ghabhann le Rialachán (CE) Uimh. 765/2006.
- (4) Ba cheart, dá bhrí sin, Rialachán (CE) Uimh. 765/2006 a leasú dá réir sin,

TAR ÉIS AN RIALACHÁN SEO A GHLACADH:

Airteagal 1

Leasaítear Iarscríbhinn I a ghabhann le Rialachán (CE) Uimh. 765/2006, i gcomhréir leis an Iarscríbhinn a ghabhann leis an Rialachán seo í.

Airteagal 2

Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhrúiséal, an 24 Feabhra 2025.

Thar ceann na Comhairle

An tUachtarán

K. KALLAS

⁽¹⁾ IO L 134, 20.5.2006, lch. 1, ELI: <http://data.europa.eu/eli/reg/2006/765/oj>.

⁽²⁾ Cinneadh 2012/642/CBES ón gComhairle an 15 Deireadh Fómhair 2012 a bhaineann le bearta sriantacha i bhfianaise na staide sa Bhealarúis agus rannpháirtíocht na Bealarúise san fhogha arna thabhairt ag an Rúis faoin Úcráin (IO L 285, 17.10.2012, lch. 1, ELI: <http://data.europa.eu/eli/dec/2012/642/oj>).

IARSCRÍBHINN

Leasaítear Iarscríbhinn I a ghabhann le Rialachán (CE) Uimh. 765/2006 mar a leanas:

(1) Leasaítear Tábla 'A. Daoine nádúrtha dá dtagraítear in Airteagail 2(1)' mar seo a leanas:

(a) scriostar an iontráil dúbailte seo:

'251. Iryna Vladimirovna PADKAVYRAVA'

(b) (2) scriostar an iontráil maidir leis an duine éagtha seo a leanas:

'30. Uladzimir Viktaravich KALACH'

(c) cuirtear an méid seo a leanas in ionad iontrálacha 26, 108, 112, 125, 166, 195, 196, 258, 260, 261:

	Ainmneacha (Traslitriú an litríthe Bealarúisise) (Traslitriú an litríthe Rúisise)	Ainmneacha (Litríú Bealarúisise) (Litríú Rúisise)	Faisnéis Aitheantais	Cúiseanna lena liostú	Dáta an liostaithe
'26.	Ivan Yurievich SAKALOUSKI Ivan Yurievich SOKOLOVSKI	Іван Юр'евич САКАЛОЎСКИ Иван Юрьевич СОКОЛОВСКИЙ	Post/Poist: Stiúrthóir ar ionad coinneála Akrestina, Mionsc Dáta breithe: 17.11.1979 Inscne: fireann	Ina cháil mar Stiúrthóir ar ionad coinneála Akrestina i Mionsc, is é atá freagrach as an íde mhídhonna agus tháireach, lena n-áirítear céasadh, a tugadh do shaoránaigh atá á gcoinneáil tar éis thoghchán uachtaránachta 2020.	2.10.2020
108.	Sviatlana, Anatoleuna LYUBETSKAYA Svetlana Anatolevna LYUBETSKAYA	Святлана Анатольеўна ЛЮБЕЦКАЯ Светлана Анатольевна ЛЮБЕЦКАЯ	Comhalta de Theach Ionadaithe Thionól Náisiúnta Phoblacht na Bealarúise, Cathaoirleach ar an mBuanchoimisiún Dlí Dáta breithe: 3.6.1971 Áit bhreithe: iarAPSS (an Úcráin anois) Inscne: bainneann Náisiúntacht: Bealarúiseach	Sa phost a bhí aici mar Chathaoirleach ar an gCoimisiún Parlaiminteach Dlí, bhí Sviatlana Lyubetskaya freagrach as glacadh an Chóid nua um Shárúithe Riaracháin (a tháinig i bhfeidhm an 1 Márta 2021) lena n-údaraithear gabhálacha treallacha agus lenar forchuireadh dliteanas méadaithe i gcás rannpháirtíocht in ollimeachtaí, lena n-áirítear siombailí polaitiúla a chur ar taispeáint. Tríd na gníomhaíochtaí reachtacha sin, tá sí freagrach as sárúithe tromchúiseacha ar chearta an duine, lena n-áirítear an ceart chun comhthionóil shíochánta, agus cos ar bolg a imirt ar an tsochaí shibhialta agus ar an bhfreasúra daonlathach. Baintear an bonn go mór den daonlathas agus den smacht reachta sa Bhealarúis leis na gníomhaíochtaí reachtacha seo. Tá sí gníomhach i gcónaí i réimeas Lukashenko agus í ina breitheamh sa Chúirt Bhunreachtúil, ceaptha ag Alexander Lukashenko.	21.6.2021

	Ainmneacha (Traslitriú an litrithe Bealarúisise) (Traslitriú an litrithe Rúisise)	Ainmneacha (Litriú Bealarúisise) (Litriú Rúisise)	Faisnéis Aitheantais	Cúiseanna lena liostú	Dáta an liostaithe
112.	Siarhei Aliksandravich GUSACHENKA Sergey Alexandrovich GUSACHENKO	Сяргей Аляксандравіч ГУСАЧЭНКА Сергей Александрович ГУСАЧЕНКО	Post/Poist: Leas-Chathaoirleach ar Chuideachta Náisiúnta Teilifíse agus Raidió an Stáit/(Belteleradio Company) Dáta breithe: 5.11.1983 Áit bhreithe: Mionsc, iarAPSS (an Bhealarúis anois) Inscne: fireann Náisiúntacht: Bealarúiseach Teil. (oifig): + 375 (17) 369-90-15	Ina cháil mar Chéad-Leas-Chathaoirleach ar Belteleradio Company (Cuideachta Náisiúnta Teilifíse agus Raidió an Stáit), údar agus láithreoir an chláir teilifíse bolscaireachta sheachtainiúil “Glavnyy efir”, tá faisnéis bhréagach á soláthar go fonnmhar ag Siarhei Gusachenka do mhuintir na Bealarúise faoi thorthaí na dtoghchán, faoi agóidí, faoin gcos ar bolg atá á himirt ag údaráis an stáit agus faoi ghníomhaíochtaí réimeas Lukashenka a éascaíonn trasnú mídhleathach theorainneacha seachtracha an Aontais. Tá sé freagrach as an gcaoi a gcuireann teilifís an stáit faisnéis ar fáil faoi staid na tíre, ag tacú ar an gcaoi sin leis na húdaráis lena n-áirítear Lukashenka. Dá bhrí sin tá sé ag tacú le réimeas Lukashenka.	21.6.2021

	Ainmneacha (Traslitriú an litrithe Bealarúisise) (Traslitriú an litrithe Rúisise)	Ainmneacha (Litriú Bealarúisise) (Litriú Rúisise)	Faisnéis Aitheantais	Cúiseanna lena liostú	Dáta an liostaithe
125.	Mikhail Saferbakovich GUTSERIEV	Микаил (Михаил) Сафарбекович ГУЦЕРИЕВ	<p>Post/Poist: Fear gnó, scairshealbhóir agus cathaoirleach bhord feidhmeannach Slavkali, cathaoirleach bhord stiúrthóirí agus scairshealbhóir de chuid: JSC Mospromstroj, Industrial Financial Group Safmar JSC, LLC Proekt Grad.</p> <p>Comhalta de bhord stiúrthóirí agus scairshealbhóir JSC NKNeftisa</p> <p>Dáta breithe: 9.3.1958</p> <p>Áit bhreithe: Akmolinsk, iarAPSS (an Chasacstáin anois)</p> <p>Inscne: fireann</p> <p>Náisiúntacht: Rúiseach</p>	<p>Is fear gnó Rúiseach mór le rá é Mikhail Gutseriev, agus leasanna gnó aige sa Bhealarúis in earnáil an fhuinnimh, earnáil na potaise, earnáil an fháilteachais agus in earnálacha eile. Tá seanathne aige ar Aliaksandr Lukashenka agus a bhuí leis an nasc sin, charnaigh sé saibhreas suntasach agus tá sé in ann tionchar a imirt i measc scothaicme pholaitiúil na Bealarúise. Ba é Safmar, cuideachta a bhí á rialú ag Gutseriev, an t-aon ghnólacht ola Rúiseach a lean d'ola a sholáthar do scaglanna na Bealarúise le linn na géarchéime fuinnimh idir an Bhealarúis agus an Rúis go luath in 2020.</p> <p>Thacaigh Gutseriev le Lukashenka i ndíospóidí leis an Rúis faoi sheachadtaí ola freisin. Bhí Gutseriev ina chathaoirleach ar bhord stiúrthóirí cuideachta Slavkali agus ina scairshealbhóir i gcuideachta Slavkali, comhlacht é a bhfuil an mhonarcha mianadóireachta agus próiseála clóiríde potaisiam, Nezhinsky, á tógáil aige bunaithe ar fhosú salainn potaise, Starobinsky, gar do Lyuban. Is í an infheistíocht is mó atá déanta sa Bhealarúis, infheistíocht dar luach USD 2 bhilliún. Gheall Lukashenka go n-athbhaistfí baile Lyuban “Gutserievsk” in ómós dó.</p> <p>I measc na ngnóthaí eile a bhí aige sa Bhealarúis, bhí stáisiúin pheitрил agus iostaí ola, óstán, lárionad gnó agus críochfort aerfoirt i Mionsc. Ghabh Lukashenka buíochas le Gutseriev freisin as na rannchuidithe airgeadais le carthanacht agus as na billiúin dollar a infheistiú sa Bhealarúis.</p> <p>Dhearbhaigh Gutseriev freisin gurb úinéir é d'áit chónaithe ar le Lukashenka de facto í, agus eisean á cheilt dá bharr nuair a thosaigh iriseoirí ag imscrúdú sócmhainní Lukashenka. D'fhreastail Gutseriev ar oirniú rúnda Lukashenka an 23 Meán Fómhair 2020. I mí Dheireadh Fómhair 2020, bhí Lukashenka agus Gutseriev araon i láthair ag oscailt eaglaise ceartchreidmí a ndearna Gutseriev urraíocht uirthi.</p> <p>Chuidigh Gutseriev le scanóirí CT a fháil don Bhealarúis le linn ghéarchéim COVID-19. Dá bhrí sin, tá Mikhail Gutseriev ag baint tairbhe as réimeas Lukashenka agus ag tacú leis.</p>	21.6.2021

	Ainmneacha (Traslitriú an litrithe Bealarúisise) (Traslitriú an litrithe Rúisise)	Ainmneacha (Litriú Bealarúisise) (Litriú Rúisise)	Faisnéis Aitheantais	Cúiseanna lena liostú	Dáta an liostaithe
166.	Aleh Siarheevich HAIDUKEVICH Oleg Sergeevich GAIDUKEVICH	Алєр Сяргеевіч ГАЙДУКЕВІЧ Олєг Сергеевіч ГАЙДУКЕВІЧ	Leas-Chathaoirleach an Bhuanchoiste um Ghnóthaí Idirnáisiúnta i dTeach Ionadaithe an Tionóil Náisiúnta, is comhalta é de thoscaireacht an Tionóil Náisiúnta le haghaidh teagmhálacha le Tionól Parlaiminteach Chomhairle na hEorpa. Dáta breithe: 26.3.1977 Áit bhreithe: Mionsc, iarAPSS (an Bhealarúis anois) Inscne: Fireann Náisiúntacht: Bealarúiseach Aitheantas Pearsanta: 3260377A081PB9 Pasuimhir: MP2663333	Is é Aleh Haidukevich Leas-Chathaoirleach an Bhuanchoiste um Ghnóthaí Idirnáisiúnta i dTeach Ionadaithe an Tionóil Náisiúnta, is comhalta é de thoscaireacht an Tionóil Náisiúnta le haghaidh teagmhálacha le Tionól Parlaiminteach Chomhairle na hEorpa. D'fhoilsigh sé ráitis phoiblí inar mhol sé an t-atreorú a rinneadh ar eitilt paisinéirí FR4978 chuig Mionsc an 23 Bealtaine 2021. Cinneadh polaitiúil a bhí ansin, agus gan údar ceart ar bith leis, go ndéanfaí an t-iriseoir de chuid an fhreasúra, Raman Pratasevich, agus Sofia Sapega a ghabháil agus a choinneáil; is brú faoi chois an méid sin i gcoinne na sochaí sibhialta agus an fhreasúra dhaonlathaigh sa Bhealarúis. Ina theannta sin, rinne Aleh Haidukevich ráitis phoiblí inar mhol sé go bhféadfaí ceannairí freasúra na Bealarúise a choinneáil thar lear agus a iompar go dtí an Bhealarúis "i mbúit cair". Ar an gcaoi sin, thacaigh sé leis an mbrú faoi chois leanúnach ag na fórsaí slándála ar fhreasúra daonlathach na Bealarúise agus ar iriseoirí. Tá Aleh Haidukevich ina Chathaoirleach ar Pháirtí Daonlathach Liobrálach na Bealarúise. Dá bhrí sin tá sé ag tacú le réimeas Lukashenka.	21.6.2021

	Ainmneacha (Traslitriú an litrithe Bealarúisise) (Traslitriú an litrithe Rúisise)	Ainmneacha (Litriú Bealarúisise) (Litriú Rúisise)	Faisnéis Aitheantais	Cúiseanna lena liostú	Dáta an liostaithe
195.	Ivan Ivanavich GALAVATYI Ivan Ivanovich GOLOVATY	Иван Иванович ГАЛАВАТЫ Иван Иванович ГОЛОВАТЫЙ	<p>Post/Poist: Ard-Stiúrthóir Open Joint Stock Company “Belaruskali”, Cathaoirleach bhord maoirseachta JSC Belarussian Potash Company.</p> <p>Comhalta de Bhuanchoiste Chomhairle na Poblachta de chuid Tionól Náisiúnta Phoblacht na Bealarúise maidir le Gnóthaí Eachtracha agus Slándáil Náisiúnta</p> <p>Dáta breithe: 15.6.1976</p> <p>Áit bhreithe: Pogost Settlement, Soligorsk District, Minsk Province, an Bhealarúis</p> <p>Inscne: fireann</p> <p>Náisiúntacht: Bealarúiseach</p>	<p>Is é Ivan Galavaty i arArd-Stiúrthóir Belaruskali, cuideachta faoi úinéireacht stáit, ar mórfhoirse ioncaim agus airgeadra eachtraigh í do réimeas Lukashenka. Is iarchomhalta de Chomhairle na Poblachta agus den Tionól Náisiúnta é. Is iomaí post tábhachtach eile atá aige sa Bhealarúis agus le linn a ghairmréime bronnadh go leor duaiseanna stáit air, cuid acu díreach ó lámha Lukashenka. Bhí sé ina dhlúthchomlach le Lukashenka agus le baill dá theaghlach. Ba é Aliaksandr Lukashenka a mhol go rachadh Ivan Golovaty chun oibre mar ambasadóir i gceann de thíortha Chomhlathas na Stát Neamhspleách. Tá sé ag baint tairbhe, dá bhrí sin, as réimeas Lukashenka agus ag tacú leis.</p> <p>Ina cháil mar Ard-Stiúrthóir Belaruskali, bhí Ivan Galavaty bainteach go díreach san aslonnú a rinne réimeas Lukashenka i gcomhar leis an Rúis ar leanaí Úcránacha a raibh cónaí orthu sna críocha faoi fhorghabháil. Tacaíonn Ivan Galavaty, dá bhrí sin, le réimeas Lukashenka. Tá sé gníomhach fós i réimeas Lukashenka mar Chéad Leas-Stiúrthóir Nedra Nezhin, cuideachta a bhfuil tuairisc faoi gurb é comharba Slavkali é, mórtáirgeoir potaise sa Bhealarúis.</p> <p>Baineadh préimheanna d'fhostaithe OJSC “Belaruskali” agus briseadh amach as a bpost iad as páirt a ghlacadh i stailceanna agus agóidí síochánta tar éis na dtoghchán uachtaránachta calaoiseach a reáchtáladh sa Bhealarúis i mí Lúnasa 2020. Ba é Alexander Lukashenka é féin a bhagair go gcuirfí mianadóirí ón Úcráin in ionad na stailceoirí. Dá bhrí sin, mar cheann Belaruskali, tá Ivan Galavaty freagrach as cos ar bolg a imirt ar an tsochaí shibhialta.</p>	3.6.2022

	Ainmneacha (Traslitriú an litrithe Bealarúisise) (Traslitriú an litrithe Rúisise)	Ainmneacha (Litriú Bealarúisise) (Litriú Rúisise)	Faisnéis Aitheantais	Cúiseanna lena liostú	Dáta an liostaithe
196.	Aliaksandr Uladzimirovich KARNIENKA Alexander Vladimirovich KORNIENKO	Аляксандр Уладзіміравіч КАРНІЕНКА Александр Владимирович КОРНИЕНКО	Post/Poist: Iarcheann na coilíneachta pionósaí IK-17 Shklov, Leifteanantchoirnéal na Seirbhíse Inmheánaí Post faoi láthair: Cigire Ceantair; Roinn Gnóthaí Inmheánacha Choiste Feidhmiúcháin Cheantar Slutsk Dáta breithe: 9.1.1979 Inscne: fireann Náisiúntacht: Bealarúiseach	Nuair a bhí Aliaksandr Karnienka ina cheann ar an gcoilíneacht pionósach IK-17 Shklov bhí sé freagrach as an íde mhídhaonna tháireach, an chéastóireacht san áireamh, a tugadh do na príosúnaithe polaitiúla agus do shaoránaigh eile arna gcoinneáil sa choilíneacht sin tar éis thoghchán uachtaránachta 2020 agus le linn na n-agóidí síochánta a tharla ina dhiaidh. Is é a bhí i gceannas ar an gcoilíneacht phionósach tráth a bhásaigh an príosúnach polaitiúil, Vitold Ashurak, sa choilíneacht phionósach sin an 21 Bealtaine 2021, nach léir fós mar a tharla sin. Tá sé freagrach, dá bhrí sin, as sáruithe tromchúiseacha i réimse chearta an duine agus as cos ar bolg a imirt ar an tsochaí shibhialta sa Bhealarúis. Tá sé gníomhach fós i réimeas Lukashenka agus é ina oifigeach de Choiste Feidhmiúcháin Cheantar Slutsk.	3.8.2023
258.	Viktar Arkadzievich SHAUTSOU Viktor Arkadievich CHEVTSOV	Віктар Аркадзевіч ШАЎЦОЎ Виктор Аркадьевич ШЕВЦОВ	Pearsa gnó, infheisteoir Dáta breithe: 5.12.1963 Áit bhreithe: Razumava village, Vitebsk region, an Bhealarúis Náisiúntacht: Bealarúiseach Inscne: fireann Pasuimhir: MP4572331, arna eisiúint an 12 Feabhra 2021 Uimhir aitheantais phearsanta: 3051263A036PB7	Is pearsa gnó é Viktar Chevtsov ag a bhfuil leasanna gnó sa Bhealarúis. Ina ról mar chonsal oinigh na nOileán Filipíneach, tacaíonn sé le réimeas Lukashenka. Ina theannta sin, bíonn tairbhe á baint aige as an réimeas, trí pháirt a bheith aige in Reshenie Bank, a bhfuil leasanna agus páirt aige sin i gcoimpléasc iarsmalann Dudutki, a bhaineann tairbhe as buiséad stáit na Bealarúise. Tacaíonn agus tairbhíonn Viktar Chevstov mar sin as réimeas Lukashenka.	5.8.2024

	Ainmneacha (Traslitriú an litrithe Bealarúisise) (Traslitriú an litrithe Rúisise)	Ainmneacha (Litriú Bealarúisise) (Litriú Rúisise)	Faisnéis Aitheantais	Cúiseanna lena liostú	Dáta an liostaithe
260.	Anton Genadzevich DUDAL Anton Gennadievich DUDAL	Антон Генадзевіч ДУДАЛЬ Антон Геннадьевич ДУДАЛЬ	Breitheamh i gcúirt réigiún Bobruisk agus i gcathair Bobruisk Náisiúntacht: Bealarúiseach Dáta breithe: 11.8.1986 Inscne: fireann Uimhir aitheantais phearsanta: 3110886M079PB3	Ba bhreitheamh é Anton Dudal a d'oibrigh i gcúirt cheantar Bobruisk agus chathair Bobruisk. Ba é Aliaksandr Lukashenka a cheap é in 2019. Chuir sé breitheanna dar cuspóir polaitiúil ar líon mór saoránach Bealarúiseach, lena n-áirítear daoine a chuir a dtuairimí in aghaidh an Uachtaráin in iúl. Ghearr sé pianbhreith ar shaoránach as gníomhaíochtaí féinchosanta tráth a bhí forfheidhmitheoirí dlí ag caitheamh leis go brúidiúil. D'aistrigh sé Andrey Sachevko chuig príosún in Mahiliou. Tá Anton Dudal freagrach, dá bhrí sin, as cos ar bolg a imirt ar an tsochaí shibhialta agus ar an bhfreasúra daonlathach. Tá sé gníomhach fós i réimeas Lukashenka agus é ina Chathaoirleach ar Chúirt Cheantar Kirovsky.	5.8.2024
261.	Mikalai Vasilievich SIARHEEVICH Nikolai Vasilievich SERGEEVICH	Мікалай Васільевіч СЯРГЕЕВІЧ Николай Васильевич СЕРГЕЕВИЧ	Breitheamh i gCúirt Cheantar Zhlobinsky de Réigiún Gomel Náisiúntacht: Bealarúiseach Dáta breithe: 22.8.1983 Inscne: fireann Uimhir aitheantais phearsanta: 3220883H026PB7	Ba bhreitheamh Bealarúiseach é Mikalai Siarheevich a bhí ag obair i gCúirt Cheantar Zhlobinsky de Réigiún Gomel. Is é Aliaksandr Lukashenka a cheap é. Chuir sé breitheanna dar cuspóir polaitiúil ar líon mór saoránach Bealarúiseach a chuir a dtuairimí in aghaidh an Uachtaráin in iúl maidir leis na toghcháin uachtaránachta chalaoiseacha in 2020, agus ar dhaoine a bhí rannpháirteach in agóidí Zhlobin. Tá Mikalai Siarheevich freagrach, dá bhrí sin, as cos ar bolg a imirt ar an tsochaí shibhialta agus ar an bhfreasúra daonlathach. Tá sé gníomhach fós i réimeas Lukashenka agus é ina Chathaoirleach ar Chúirt Cheantar Chechersky.	5.8.2024'

(2) sa Tábla 'B. Daoine dlítheanacha, eintitis agus comhlachtaí dá dtagraítear in Airteagal 2(1)' cuirtear an méid a leanas in ionad iontrálacha 13 agus 27:

	Ainmneacha (Traslitriú an litrithe Bealarúisise) (Traslitriú an litrithe Rúisise)	Ainmneacha (Litriú Bealarúisise) (Litriú Rúisise)	Faisnéis Aitheantais	Cúiseanna lena liostú	Dáta an liostaithe
'13.	Minskii Avtomobilnyi Zavod (MAZ) / OJSC "MAZ" Open Joint Stock Company "Minsk Automobile Works" – Management Company of "BELAVTOMAZ" Holding	ААТ “Мінскі аўтамабільны завод” ОАО “Минский автомобильный завод”	Seoladh: Socialisticheskaya 2, 220021 Minsk, an Bhealarúis Suíomh gréasáin: http://maz.by/ Dáta clárúcháin: 16.7.1944 Teil.: + 375 (17) 217-22-22; + 8000 217-22-22	Tá OJSC Minsk Automobile Plant (MAZ) ar cheann de na monaróirí mótarfheithiclí is mó sa Bhealarúis ar leis an stát é. Is mar seo a leanas a chuir Lukashenka air: “ceann de na fiontair thionsclaíocha is tábhachtaí sa tír”. Is foinse ioncaim do réimeas Lukashenka é. Tá áitreabh agus trealamh curtha ar fáil ag OJSC MAZ chun mórthionól polaitiúil a réachtáil chun tacú leis an réimeas. Ina theannta sin, i bhfianaise rannpháirtíocht na Bealarúise i gcogadh foghach na Rúise ar an Úcráin, seachadann MAZ truceanna míleata chuig Arm na Rúise a imscartar ar chríoch na hÚcráine lena n-úsáid i ngníomhaíochtaí míleata. Tá OJSC MAZ ag baint tairbhe, dá bhrí sin, as réimeas Lukashenka agus ag tacú leis. Imeaglaíodh fostaithe OJSC MAZ, agus briseadh amach as a bpost iad ina dhiaidh sin, as páirt a ghlacadh i stailceanna agus agóidí síochánta tar éis na dtoghchán uachtaránachta calaoiseach a réachtáladh sa Bhealarúis i mí Lúnasa 2020. Chuir OJSC MAZ grúpa dá fhostaithe faoi ghlas taobh istigh ionas nach bhféadfaidís bheith i dteannta na n-agóideoirí eile. Tá OJSC MAZ freagrach, dá bhrí sin, as cos ar bolg a imirt ar an tsochaí shibhialta agus tacaíonn sé le réimeas Lukashenka.	21.06.2021

	Ainmneacha (Traslitriú an litrithe Bealarúisise) (Traslitriú an litrithe Rúisise)	Ainmneacha (Litriú Bealarúisise) (Litriú Rúisise)	Faisnéis Aitheantais	Cúiseanna lena liostú	Dáta an liostaithe
27.	Open Joint Stock Company "Belshina"	ААТ "Белшина" ОАО "Белшина"	Seoladh: 4 Minskoe Shosse St., 213824 Bobruisk, an Bhealarúis Dáta clárúcháin: 10.1.1994 Uimhir chlárúcháin: 700016217 Suíomh gréasáin: http://www.belshinajsc.by/	Tá OJSC Belshina ar cheann de na príomhchuideachtaí ar leis an stát iad sa Bhealarúis agus is mórmhonoróir bonn feithiclí é. Sna blianta 2022 agus 2023 rinne sé brabús dár méid 9 %, rud a dhearbhaigh leas-phríomhaire na Bealarúise, Petr Parkhomczyk. Tá tairbhe dhíreach á baint ag Stát na Bealarúise as a dtuilleann Belshina. Ina theannta sin, soláthraíonn Belshina boinn do lucht míleata na Rúise atá imscartha san Úcráin, rud a thacaíonn le rannpháirtíocht na Bealarúise san fhogha atá á tabhairt ag an Rúis faoin Úcráin. Tacaíonn Belshina, dá bhrí sin, le réimeas Lukashenka. Fostaithe Belshina a ghlac páirt i stailc tar éis na dtoghchán uachtaránachta calaoiseach a réachtáladh sa Bhealarúis i mí Lúnasa 2020, briseadh amach as a bpost iad nó cuireadh orthu éirí as a bpost, as bheith as láthair ón obair, mar dhea. Ina theannta sin, cuireann an Stát iallach ar phríosúnaigh pholaitiúla saothar contúirteach a dhéanamh ar son Belshina. Os a choinne sin, faigheann Belshina cabhair airgid ón stát i bhfoirm íocaíochtaí a bhfiachas agus iarchur íocaíochtaí CBL allmhairiúcháin. Lena chois sin, tugann rialtas na Bealarúise cead dá chomhlachtaí stáit táirgí Belshina a cheannach gan tairiscint. Tairbhíonn Belshina, dá bhrí sin, as réimeas Lukashenka agus tá sé freagrach as cos ar bolg a imirt ar an tsochaí shibhialta.	2.12.2021'